

E P I S T O L A

ceptis, nisi prorsus contrarium in plerisque observet, ut satis superque supra fuit ostensum. Ex septingentis exemplis unicum tantum proferam. Etiam si per totum orbem terrarum conformiter in omnibus scholis proponatur hæc regula: Accusandi verba, damnandi & absolvendi Genitivum adsciscunt, qui speciem facti significet, aut Ablativum qui genus: non tamen ad finem veræ Grammaticæ & tui laboris quantumvis diuturni pervenies, ut congruam scilicet cum probatis Autoribus scribas orationem, nisi contrarium huic regulæ teneas. Nam si hanc regulam ducem sequeris, innumerabiles Solæcismos confeceris. Jubet illa genus facti exprimere Ablativo. Quis autem ex bonis Autoribus unquam dixit: Arguo vel Accuso te scelere, maleficio, peccato, impietate, crimine? Ubi legitur, Incuso, insimule, infamo, coarguo, defero, acquiro, postulo, convinco te peccato, probro, crimine scelere maleficio, impietate, facinore, injuriis? Ubi extat: Damno vel condemno te morte, nece, gravi supplicio, duplo, triplo. Vide meam Dissert. p. 339. & Gram. p. 194. Videmus igitur quòd falsitatum illa conformitas in scholis nequaquam salutaris, sed summe perniciosa sit, nec quicquam inde ad retinendam veterem Grammaticam, concludatur.

IV. OBJECTIO. Sustinuit ista Grammatica censuram utriusque Academiae & Scholarum Illustrium. Ergo est bona & merito retinetur.

Non parcunt nostris Academiis & Scholis, qui hoc argumento contra me utuntur. Quid enim? Si ex illustribus.